



Republika e Kosovës

Komuna e Drenasit

Kuvendi i Komunës



Nr. 02-060/09-48554 dt. 19/09/ 2022

Procesverbali i Dëgjimeve Publike për listën e Projekteve kapitale për Buxhetin e vitit 2023 dhe projeksioneve për vitin 2024-2025

Dëgjimi buxhetor është mbajtur në bashkësinë lokale Komoran (Kishnarekë, Nekoc, Fushticë e Ulet dhe Fushticë e Eperme, Korroticë e Ulët dhe Korreticë e Eperme, Zabel i Ulët dhe i Eperm, Komoran dhe Sankoc.



Njoftimi për organizimin e dëgjimeve publike për listën e projekteve kapitale për buxhetin e vitit 2023 dhe projeksioneve për vitet 2024-2025 u bë me dt: 01.09.2022 në ueb faqen e komunës së Drenasit, në këtë vegës: <https://kk.rks-gov.net/gllogoc/neës/ftese-per-degjime-publike-per-listen-e-projekteve-kapitale-per-buxhetin-e-vitit-2023-dhe-projeksioneve-per-vitet-2024-2025/> në harmoni me afatet ligjore që i përcakton udhëzimi Administrativ si vijon:

Bazuar në nenin 68, paragrafi 68.1 të Ligjit Vetëqeverisjes Lokale Nr.03/L-040, nenit 72 të Statutit të Komunës së Drenasit, Nr.110-6904 i dt. 24.09.2008 dhe Propozim ndryshimin e Statutit të Komunës nr. 112-10030 i dt. 16.02.2018, si dhe Rregullores Komunale për Transparencë nr.i protokollit 12-030-63551 i dt. 30.10.2019 dhe nën organizimin e Kryesuesit të Kuvendit Komunal dhe Anëtareve të Komitetit për Politikë dhe Financa organizohen 8 dëgjime publike me qytetar për listën e Projekteve Kapitale për buxhetin e vitit 2023 dhe projeksioneve për vitet 2024-2025.

Me qëllim të rritjes së nivelit të transparencës e llogaridhenies dhe për t'i mbajtur sa më të informuar banoret e Komunës së Drenasit, rreth orarit dhe vendit të mbajtjes së dëgjimeve publike me qytetar janë bërë me kohë planifikimet dhe është publikuar me kohë kalendari i orarizimit të dëgjimeve publike në ueb faqen zyrtare të komunës si dhe në rrjetin social facebook, njoftimi në këtë vegëz: <https://kk.rks-gov.net/gllogoc/neës/ftese-per-degjime-publike-per-listen-e-projekteve-kapitale-per-buxhetin-e-vitit-2023-dhe-projeksioneve-per-vitet-2024-2025/>

Njoftimet përveç që janë publikuar në ueb faqen e Komunës së Drenasit në platformen për Konsultime Publike, në rrjetin social Facebook, njoftimet u janë dërguar edhe kryetareve të keshillave të fshatrave dhe lagjeve urbane përmes rrjeteve sociale Viber dhe ËhatsApp.

Fillon cikli i dëgjimeve publike për Projektet Kapitale të buxhetit 2023- 2025

Komuna e Drenasit, përkatësisht Kuvendi Komunal dhe Komitetit për Politikë dhe Financa në bashkëpunim me Ekzekutivin e Komunës, kanë filluar mbajtjen e dëgjimeve buxhetore me qytetarë për të diskutuar lidhur me listën e Projektet Kapitale për periudhën 2023-2025.

Të premten me dt. **09.09.2022** në ora 13:30 u mbajt Dëgjimi buxhetor në bashkësinë lokale Komoran (Kishnarekë, Nekoc, Fushticë e Ulet dhe Fushticë e Epërme, Korroticë e Ulët dhe Korreticë e Eperme, Zabel i Ultë dhe i Epërm, Komoran dhe Sankoc. Takimi u mbajt në SHFMU “Gjeladin Plaku” Komoran.

Këto Dëgjime Buxhetore për Projekte Kapitale janë organizuar nga Zyra e Kuvendit të Komunës së Drenasit.

Takimin e shtatë e prezantoi Udhëheqësi i Zyrës për Komunikim me Publikun Bekim Dobra, ndërsa merrnin pjesë, Nënkryetari i Komunës, Arben Shala, Kryesuesi i Kuvendit Komunal Milaim Hajdari, drejtorë të drejtorive komunale, administratorë të vendbanimeve, përfaqësues të lagjeve dhe qytetarë të tjerë dhe zyrtarët e zyrës së Kuvendit: Zahrie Podrimqaku-Subashi, Liridona Fejza-Ajazi, Erlona Gashi.

Pjesëmarrës në këtë dëgjim dhe zyrtar komunal ishin gjithsej 35 pjesëmarrës :

- Femra ishin: 15
- Meshkuj: 20

Të gjithë të pranishmit janë pajisur me materialet e nevojshme për të diskutuar. Ata para vetës kanë pasur draft-listën e projekteve kapitale si dhe draft-buxhetin për vitet 2023-2025 dhe pasi kanë paraqitur kërkesat e tyre kanë marrë përgjigje për kërkesat e parashtruara.

Ndryshe, buxheti i përgjithshëm i Komunës për vitin 2023 është 18.156.892.00 euro, ndërsa nga kjo shumë për investime kapitale janë planifikuar 6.335.649.00 euro apo 34.89%.

Takimet për Listën e projekteve kapitale do të zhvillohen më këtë rend dite.

1. Lista e projekteve kapitale për vitet 2023-2025,
2. Prioritete tuaja.

Të pranishmit kanë paraqitur kërkesat dhe nevojat e tyre për të cilat kanë kërkuar të futen si Projektet Kapitale 2023- 2025.

Bekim Dobra, pasi përshëndeti të pranishmit, theksoj se lista e projekteve kapitale është e një rëndësie të veçantë për vendbanimet e Komunës së Drenasit andaj ju qytetar, duhet të shfrytëzoni të drejtën tuaj dhe të caktoni prioritet për vendbanimet tuaja në mënyrë që të përcaktohen sa më mirë prioritet tuaja. Këtë rëndësi të veçantë ku do na shërbejë që të përcaktohen prioritet për vendbanime, lagje, dhe lista e investimeve kapitale të jetë sa më e kompletuar, dhe të i përfshij nevojat e vendbanimeve tona, për të përmirësuar jetën tuaj.

Milaim Hajdari- Kryesues i Kuvendit Komunal, Të nderuar të pranishëm,

Mirë se keni ardhur në këtë takim të thirrur nga Kuvendi i Komunës, në bashkëpunim me Drejtoritë Komunale.

Jemi mbledhur sot ne këtë dëgjim buxhetor për të diskutuar draft-Listën e Investimeve Kapitale për vitin 2023 dhe projeksionet e investimeve për vitet 2024, 2025. Siç ju tregoj edhe shefi i Zyrës për Informim, Bekimi, kjo listë ende mbetet si draft deri në miratimin e saj në mbledhjen e Kuvendit më së largu me 30 shtator të këtij viti, prandaj është mirë që të fokusoheni në këtë listë që keni para vetes dhe të jepni propozime, ide konkrete të projekteve që janë me interes të përgjithshëm të vendbanimit që ju përfaqësoni.

Komuna me kohë ka bërë njoftimin dhe ftesën për mbajtjen e këtij takimi ndërsa që nga muaji Maj i këtij viti, pasi që kemi pranuar Qarkoren Buxhetore, kemi ftuar ekspertet, OJQ-të, Shoqërinë Civile dhe profesionistët për të kontribuar ne hartimin e këtij dokumenti.

Komuna e Drenasit shquhet për transparencë e llogaridhënie, ndaj me kohë ka bërë publike, Draft Kornizën Afatmesme Buxhetore 2023-2025 dhe draft-Listën e Investimeve Kapitale i ka publikuar në ueb faqen zyrtare të Komunës. Këto dy dokumente janë votuar në mbledhje të Kuvendit dhe na kanë dhënë dritën jeshile për të dalë në diskutim publik, këto dëgjime që po i mbajnë tani, ndaj kërkojë nga ana juaj që të diskutoni reciprokisht me qëllim që të behët një përmbledhje me interes të përgjithshëm për të gjithë qytetarët e Komunës së Drenasit. Presim komente, projekte e ide që të futen në këtë listë sipas mundësive buxhetore, para se i njëjti dokument të miratohet në mbledhje të Kuvendit.

Ju faleminderit shumë që keni gjetur kohën të jeni pjesë e këtij takimi.

Kadri Ajazi, Administrator i fshatit Sankoc- kërkesat me primare për fshatin Sankoc janë:

- Rregullimi i Trotuareve në fshatin Sankoc.
- Rregullimi i ndriçimit publik.
- Furnizimi me ujë të pijes.
- Rregullimi i rrugës i fshatit Sankoc me u lodh me Krivovë.

Besim Tahiraj, Zyrtar në Infrastrukturë Lokale, sa i përket rrjetit të kanalizimit 95 % e fshatrave do të përfundon rrjeti i kanalizimit apo ashtu edhe ndriçimi publik sidomos aty ku janë të vendosura shtyllat e betonit. Ndërsa sa i përket rrugës Sankoc-Krivovë është nën përkujdesjen e Ministrisë së Infrastrukturës Rrugore.

Gazmend Hajdini- Administrator i fshatit Zabel i Epërm, kërkesat me primare për fshatin Zabel i Epërm janë:

- Asfaltimi i rrugës Rr.“ Imer Imeri”
- Rregullimi i Trotuarit Rr. “Lulzim Rexhepi”
- Rregullimi i ndriçimit publik- Lagjja Imeri.

Besim Tahiraj, Zyrtar në Infrastrukturë Lokale, Trotuari është pronë private, ndërsa sa i përket ndriçimit publik dhe asfaltimit të rrugëve është në procedurë.

Rexhep Hajdini- Komoran, mungon infrastruktura rrugore, kërkesë tjetër:

- Rregullimi i ndriçimit publik
- Kërkoj që të formohet komisioni për formimin e rrugëve.
- Çka do të behet me legalizim?

Nënkryetari i Komunës-Arben Shala, ndriçimi publik do të përfundon në shumicën e fshatrave në Komunën e Drenasit. Ndërsa sa i përket çështjes së legalizimit është nën përkujdesjen e Ministrisë së Mjedisit dhe planifikimit hapësinor.

Pasi nuk pati diskutime, kërkesa apo sugjerime të tjera takimi përfundoj rreth orës 14:10 min.

Procesmbajtëse:

Liridona Fejza-Ajazi